



Forsætisráðuneytið
Lækjartorgi
101 Reykjavík

Svalbarðseyri 07.04.2020

EFNI: UPPBYGGING INNVIÐA Í SAMRÁÐSGÁTT

Sveitarstjórn Svalbarðsstrandarhrepps þakkar átakshópi sex ráðuneyta um úrbætur í innviðum, þá yfirgripsmiklu vinnu sem hópurinn hefur skilað á þeim stutta tíma sem liðinn er frá óveðrinu í desember 2019. Átakshópurinn leggur fram fjölda aðgerða til að styrkja innviði landsins og landshlutans enda komu alvarlegir misbrestir í ljós og aðkallandi þörf er á úrbótum víða um land.

Þær tillögur til aðgerða sem koma fram á innvidir2020.is eru mjög góðar og mikilvægt að hraða þeim sem kostur er.

Sveitarstjórn Svalbarðsstrandarhrepps vill leggja ríka áherslu á að þeir misbrestir sem komu í ljós hafi verið viðbúnir, sveitarfélög, fyrirtæki og stofnanir hafi bent á og óskað eftir úrbótum undanfarin ár.

Að þessu sögðu vill sveitarstjórn benda á mikilvægi þess að hraða enn frekar aðgerðum sem felast í jarðstrengjavæðingu dreifikerfis raforku og þrifösun því samfara. Eyfirðingum er mikið kapps mál að liðkað verði fyrir því að 220kv Blöndulína komist í framkvæmd. Mikilvægt er að rafmagnsöryggi og rafmagnsgæði séu tryggð inn á svæðið og innan svæðis. Það er Eyfirðingum mikið hagsmunamál fyrir framtíðar uppbyggingu og styrkingu byggðar að tengingar innan svæðis séu tryggar um leið og tenging inn á svæðið sé trygg. Sveitarfélög við Eyjafjörð hafa kallað eftir bættu aðgengi að raforku og ófært að umsagnar og kynningarferli línulagna geti tekið áratugi og hamlað öryggi og uppbyggingu svæðisins(NOE-10, NOE-40, NOE-15, NOE-18, NOE-74).

Sveitarstjórn tekur undir nauðsyn þess að yfirfara þurfi skilgreiningar á því hvað fellur undir opinberar áfallatryggingar (LAN-110) og skýrt sé hvernig tjón vegna afurðamissis á kúabúum, gripatjón og tjón á girðingum verði bætt. Þá tekur sveitarstjórn undir mikilvægi þess að unnin sé stefnumótun um neyðarfjarskiptakerfi fyrir almenning og viðbragðsaðila.

Akureyrarflugvöllur og uppbygging á aðstöðu og tækni er fjórðungnum öllum mjög mikilvæg (NOE-61). Mikilvægt er að uppbygging flughlaðs og flugstöðvar verði hraðað eins og kostur er og öryggi flugs sé tryggt, lagning rafmagns í jörð sunnan



SVALBARÐSSTRANDARHREPPUR
RÁÐHÚS
606 AKUREYRI

flugvallar (Hólasandslínu 3 og Kröflulínu 1). Aðflugstæki og lendingargæði flugvallarins verði tryggð.

Sveitarstjórn Svalbarðsstrandarhrepps fagnar mjög áætlunum um fyrirkomulag stuðnings ríkis við sveitarfélög vegna fráveituframkvæmda (NOE-78). Stuðningur við framkvæmdir við fráveitur er forsenda þess að hægt sé að hefja framkvæmdir vegna hreinsivirkis og útrásar frá þéttbýlinu á Svalbarðseyri. Þá fagnar sveitarstjórn áætlunum um lagfæringar sjóvarna (NOE-59) sem fóru illa í óveðrinu í desember og mikið hefur mætt á þennan veturn.

Sveitarstjórn Svalbarðsstrandarhrepps ítrekar þakkir til átakshópsins fyrir góða vinnu.

Virðingafyllst
f.h. Sveitarstjórnar Svalbarðsstrandarhrepps

Bjørg Erlingsdóttir
Bjørg Erlingsdóttir, sveitarstjóri